



Ongeleki inayi mwenena omaudhigu goshigwana



Omumbisofi K.Dumeni, okwa thikama mpaka te egulula Oshigongingeleki oshiti 12 mondjugo yigongi, pambelewa.

OMATUMBULO GAMWE GEEGULULO LYOSHIGO- NGINGELEKI OSHITI 12 SHA ELOK, DHA TUMBU- LWA KOMUMBISOFI K.DUMENI.

Oshigongingeleki ongundu ya hogololwa kuKalunga mewiliko lyOmbepo Ondjapuki, ya hogololelwa iilonga yokulela Ongeleki yaKristus. Osho ongundu yi na iilonga iidhigu okuhogolola aayakuli taa ka longa iilonga mOngeleki ngaashi aawilikingeleli nElelongeleki.

Okuutha iilonga iiyapuki mOngeleki nkene yi na okuningwa. Okudhika omautho noompango tadhi ulike ondjilajoka tu na okweenda nonkene tu na okukala mOngeleki nomiilongayakulo yayo.

Oshinakugwanithwa shetu moshigongi

Otwa pumbwa euvoko neyelithilo ewanawa lyoshilonga sheyakulo meuvitho lyevaangeli mOngeleki yetu nosho wo palwe muuyuni.

Ombepo ota gandja ayihe mbyoka. Jesus okwa thigile Ongeleki ye yi tsakanithe oshilongayakulo shOngeleki. Shoka otashi longwa notashi tsakanithwa miilongaithano ayihe nomomayakulo agehe gOngeleki.

Ongeleki sho tayi yakula omuntu aguhe, ngaashi meuvitho lyevaangeli, metopolo lyOmasakramendi, moshilonga shetumo nomeputuhdo alihe, pamukalo ngoka otayi tungu ngaaka e-gongalo alihe noshilongayakulo shoka.

Eyakulo lyehanganitho, okuhangana tango naKristus mwene nokukala muumwayinathana naantu ooyakwetu meitaalo nomeyakulo lyOngeleki yimwe. 2Kor.5:18-21.

Omathano omakwawo tala kep. 4-7

ONGHUNDANA YA DJA MEO- NGALO LOVAFADUKIPO

Oilyo yeengeleki domuNamibia, ei ye lihanena ounyuni aushe, mokati kayo omwa dja onghundana meongalo Onyango, Zambia, kutya oukriste neitavelo muvo otali kulu efiku keshe.



Ovanyasha tava ka shita Ongeleka melongelokalunga lElondo lOmukulili



Omufita G.Heimrikx e li meyakulo mOngeleki mOnyango

Omufitaongalo Erastus Haikali, ou ta longo mokati keenhauki daNamibia muZambia, okwa hokololela ombelewa yOmukwetu nhumbi va dana neudo oshivilo shinene shElondo lOmukulili monhele oyo.

Fiku olo metalelopo eli, omufita Haikali, okwa li yo nomweenda, omufita Gerhard Heimerikx, ou a longa oule weedula konyala 30 meongalo laTshikuku, mOwambo.

Efiku lElondo lOmukulili neudo ola li ko mokati koshivike, onghe eengeleka dihapu mu ELOK, oda li ashike ovanhu tava valwa. Meongalo lomoupongekwa kasha li nande ngaho.

Ongeleka yaNyango okwa li i yadi ndo, ovakulupe, ovanyasha nounona. Ovadali vahapu ova eta ounona vavo kEshasho Liyapuki, navo vene ova tukulilwa Ouvalelo Uyapuki.

Omufita Heimerikx, eshi a talela po eongalo olo lomoupongekwa okwe li ningila elongelokalunga nokwe li lombwela ngaha kutya, eengeleki dihapu mounyuni oda pandula unene omushamane Haikali, ou a kala ta longo muZambia.

Eengeleki oda pandula eshi Haikali a kala ta shashe ounona, ta yandje Ouvalelo Uyapuki kovakriste venya noku va yapulila eehombo davo paukriste.

Uukalunga waJesus tau iholola mondjila yomahepeko

Sho pwa piti omasiku gahamano, Jesus okwa kutha Petrus naJakob nomumwayina Johannes nokwe ya fala kondundu ondeendeka, ye ki ikalele. Okwa shituka montaneho yawo noshipala she sha adhima ngetango.....

..... Okwe ya fala kondundu ondeendeka ov. 1

Edhina lyondundu inali tumbulwa. Yamwe otaa dhiladhila ngiika ondundu yaTabor ya kala molushandja lwaEsdraelon. Yamwe ishewe otaa tengeneke kutya siku limwe ondundu yaHerman, ihe Tabor otayi popilwa koyendji.

Aalongwa mboka yatatu ya mono oshiholekwa shika, oyo tuu mboka natango ya ka kala pamwe naye meyana lyaGetsemane. Mat.26:40. Kondundu oye li meadhimo, muGetsemane, mesilu oye li momahepeko.

..... Oshipala she sha adhima ngetango Ov.2.

Eadhimo mpaka otali holola uukwagulu mboka wa holokele po. Hes.1: na Jes.6:1; 2 Kor.5:1-4.

Moses naElia ya holokele po Ov. 3.

Elia oye omunashilonga methimbo Kalunga ti iholola momahunganeko gaaprofeti, manga Moses omugandjiveta. Ihe omolwashike ya holokele moshiningwanima shino?

Ehistoli lyaalumentu mbaka, mekwatathano naKalunga, aluhe ohali ya pamwe noondundu. Kondundu yaSinai Moses okwa taamba oveta miikaha yaKalunga. 2 Mos.31:18.

Kondundu yaHoreb, Elia okwa tsakanene naKalunga. 1 Aak.19:9-12. Shokasho ashike. Okuza kwaalumentu mbaka momwenyo, inaku tsa kumwe nokwaantu ayehe.

Peso lye, Moses ina tseyika mpoka a fumvikwa. Ohaku tiwa oKalunga mwene e mu fumvike. 5 Mos.34:5-6 Elia, oye omutiyali mondjokonona yeshito inaa mona eso lyopalutu, sho a falwa ashike ketemba lyomulilo megulu. 2 Aak.2:11.

Omuwa, opwe tu opalele okukala mpaka Ov.4

Omuniyoli Mateus ota tula omuthindo mpaka, peuvoko lyaPetrus, lyuukalunga waJesus. Tala epopitho lye,

“Omuwa.” Jesus omugandjiveta omupe, oveta yomevaangeli.

..... Oshikogo oshiyelele she ya siki. Ov. 5.

Shoka otashi holola uukalunga mboka we ya hedha popepi. Yeleka wo 2 Mos.40:34. Ishewe omugandjiveta omupe, noveta ye ompe okwa holoka. Yeleka natango 2 Mos. 34:29-30; Heb.3:1; 5 Mos.18:15-18.

Ewi ndyoka lya holoka po, ongaashi lya holokele peshasho lyaJesus. Mark.1:11 Tala wo Ehol.10:4.

..... Aalongwa noya tsu iipala pevi Ov. 6-7.

Moovelise ndhika, oshiningwanima otashi thiki pondondo yasho. Metifa lyegwanitho lyomadhiladhilo gaKalunga, kape na we ngoka ta vulu okuninga sha. Kalunga awike ta longo manga.




A HULITHA OMBAA-DHILILA

Omunashilongatumo muuzilo wOndonga, omusamane Moses Nekongo, okwa mana ondjenda dhe ombaadhilila 5.7.1984 sho a lyatwa koshihauto. Oshiponga osha ningwa omutenya, pOnethindi, mOndonga.

Nakusa okwa kala ta longo kehala limwe, Okandonga, moongamba dhegongalo Epembe, nokwa li mondjila u uka koshigongi shaanashilongatumo shoka sha tamekele esiku tuu ndyoka mOngwediva e tashi hulithwa noshituthi shOmisioni 8.7.1984.

Sebulon Ekandjo

Mat.17:1-8.




Aalongwa oya thiki mokathimbo, itaa vulu we okuninga sha, manga inaa pewa elombwelo. Osho sha li sha ningwa mpaka methimbo lyokwaadhimitha Jesus, opo a tsakanithe ondjila ye yekulilo. Osho wo sha ningwa pethimbo lyokusa nokuyumuka kwe, sigo ye mwene e ya e ya penduleya tsikile iilonga. Ov.8.Tala woJoh.20:19.

..... Inaa mona we nando omuntu, Jesus awike. Ov.8.

Tala wo efatululo moovelise dha tetekele. Elaka lyehekeleko ohali ziilile omulunde pombanda. Luk.2:10. Kalunga ngele a hedha omuntu, kape na we ngoka ta vulu okutonatela sha shilwe, onkondo dhaKalunga adhike. Iil.2:14-16.

Sebulon Ekandjo



Omusamane Moses Nekongo

“Oomvula ndhika dha zi ko, omaudhigu moshigwana oga indjipala noonkondo omolwiita. Aantu oyendji oya sile miiponga; ongele yooboma nenge ya yahwa. Omagumbo oga fikwa po, omaliko gaantu ga yugwa po, ihe Ongeleki oya kala nokuholola wo ewi lyayo kepangelo omolwiinima kaayi na uuyuuki,” osho sha holoka mehokololo lyomumbisofi gwa ELOK, dr Kleopas Dumeni.

Ehokololo olya leshelwa oshigongi- ngeleki oshiti 12 shOngeleki ndjoka, sha li ko 9-14.7.1984 mehala lyiigongi mOngwediva.

Omahangano agehe ngoka nago wo inaga holoka, kakele kEhanganotumo lyaSoomi ndyoka lya kalelwa po kaanashilongangeleki yalyo mbaka taa longo mpaka.

Petamekolela lyoshigongi manga inashi tula elandulathano lyasho lyiiku-

Ehokololo lye lyomapandja 26 olya li wo limwe lyomiikundathanwa ya simana yomelandulathano ndyoka mulyo mwa li mwa kwatelelwa iilonga niinakugwanithwa ayihe yOngeleki paimpungulonga nopaikandjolonga ngaashi:

Euvitho lyevaangeli, oshilonga shuudiakoni, shetumo, sheputudho lyopakriste, elongelokumwe lyoongeleki meni nopondje, elongitho lyiimaliwa, osho wo ehempululo lyOngeleki koshipala shepangelo.

Kushono ye mwene e shi luku ewi lyOngeleki momaudhigu, omuwilikingeleki Dumeni okuulike nesimaneko enene komutetekeli gwe mewiliko lyOngeleki, omumbisofi L.N.Auala kushono e shi ningile Ongeleki noshigwana okuza 1971 kombinga yuuthemba womuntu.

“Eindilo lye mombilive yeeguluka komupangeli gwa SA, olya li lya tindwa pethimbo ndiyaka, ihe nena olyo tali longithwa,” osho Dumeni a nyola.

“Ependa, he yoshigwana, omusita gwe tu omukuluntu, omumbisofi gwa ELOK gwotango, Auala, Kalunga okwe mu zimbula miilonga yokupopila ELOK ngaashi kwa li e shi uthilwa kEketampango lyOngeleki, oshitendwa V1.

“Oshilonga shoka osho tashi tsikilwa sigo onena kOngeleki,” osho a tsikile ngeyi okuyelithila oshigongi.

Pompito ndjika, oshigongi ashihe osha thikama e tashi sizimana meimweneno uule wominute mbali, endhindhili-ko lyokugandja natango esimaneko kii-longayakulo yomunashilonga ependa,

Tala kep. tali landula



Aasitagongalo Junias Vaino Kaapanda, kolulyo methano ndika komeholela, Alfeus Sikwaya pokati naFilippus Haulofu, kolumoho oya kwatela omukweyo gwaakwashigongi komeho, ya ka ninge elongelokalunga lyetameko.

Aakalelipo yomagongalo 71 gOngeleki ndjoka, yatatu nenge yane mukehe egongalo, osho wo aasita ye vule 100 yomOngeleki naakalelipo yaayakulingeleki Aasoomi mpaka, ayehe oya li ye ya moshigongi.

Okwa li wo kwa hiya oomwayinangeleki meni lyoshilongo ngaashi; Ongeleki onkwaevaangeli paLuther yomUushimba (ELK), Ongeleki onkwaevaangeli yAandowishi (DELK) osho wo Oongeleki oonkwawo moshilongo dhi li melongelokumwe nayo; yaKatoolika kaRooma noyaAnglikani.

Aamwameme Aakatooolika nAayanglikani inaa wapa hewa okuthika, kakele komahaleloyambeko gopaumwayinathana ngoka ya tumu.

Omahiyo omakwawo oga li wo ga tuminwa Ehanganotumo lyaSoomi, Ongongahangano yAakwaluther muuyuni (LWF) nosho wo ombelewa yEhangano yOngeleki oonkwaLuther muumbugantu waAfrika (FELKSA).

ndathanwa mbyoka ya li yi thike konyala 12 poshitaafula, omumbisofi Dumeni okwa ulike tango oshipala shonkalo yOngeleki pethimbo ndika.



Petata lyotundi ontintatu, oshigongi-geleki osha tsu omukweyo omule shu uka kOngeleka yegongalo, Ongwediva. Aasitagongalo 121, oya li metameko ndyoka lyelongelokalunga.

Auala, ngoka Kalunga e mu zimbula muuyuni ngashingeyi konima yoomwedhi heyali dha piti.

Iiningwanima konyala 10 oya gandjwa mehokololo ndyoka, oshiholelwa shokuulika nkene omaliko gOngeleki, kutya nago wo oga kala taga yonagulwa muule womimvo ndhoka mbali, pamwe nomaliko gaakwashigwana.

Osha leshwa wo nomehokololo ndyoka nkene iilyo oyindji ya halakanene nevi lyaNamibia alihe nomuuyuni auhe omolwiita yomimvo heyali mevi ndika.

“Aantu oya yakwa po, yamwe ya tulwa moondholongo, yamwe ya kanitha iilonga yawo, yamwe ishewe itaa tseyika we mpoka ye li. Ongeleki kayi na emanguluko okuyakula iilyo yayo ayihe; ongele moondholongo nenge miilonga. Omakwatho guanamiti kape na ompito oku ga fala ko kaantu nenge aantu kaye na ompito oku ga konga omolwiita.

Oveta yuusiku nooboma moondjila sigo onena opo yi li notayi faalele oomwenyo dhoyendji,” osho ehokololo lya leshwa.

Kakele kuudhigu wiita, ehokololo olya tsikile natango ngeyi lya ti, oshigwana osha kala wo omimvo ndhoka mbali dha zi ko mondjala nomuuvu. Omikithi omipe odha hepeke oshigwana. Iikolitha wo nayo oya yalulilwa kehokololo ndika mongundu yuuvu.

Iinakugwanithwa yOngeleki paimaliwa

Mokuyelithila elelo lyOngeleki (Oshigongingeleki) nkene Ongeleki hayi pitha iinakugwanithwa yayo, omuwilikingeleki okwa ti, kutya Ongeleki oya ningi onene niinakugwanithwa yayo oyi indjipala notayi pula iimaliwa oyindji.

Iimaliwa R516 700, oya pumbiwa 1984, moshilonga ashihe sheputudho mOngeleki. Iimaliwa ayihe mbyoka mpoka tayi ka za, ehokololo inali shi holola.

Eputudho ndyoka tali pula iimaliwa yi thike mpoka, olyu ulikwa mpoka hali longelwa ngaashi kwa tumbulwa; Osikola yuusita kuPaulinum, oosikola mbali dhOmbimbeli, Oseko yaShigambo, Engela nOnandjokwe.

“Oshilonga sheputudho osho sha simana noshi na ondilo moshigwana nomOngeleki. Otashi pula iimaliwa oyindji, nOngeleki oyo yene yi na oku shi kale-

ka po,” osho oshigongi sha kumagidhwa.

Osikola yimwe ayike yOmbimbeli, oya

pula R10 960 omumvo gwa yi 1983. Iimaliwa omolwepatudho lyaasita omumvo ngoka, oya li R37 240.

Tala kep. 6



Oshigongingeleki manga tashi hiti mongeleka, shi ka tameke elongelokalunga, oongundulwiimbo, TE IMBI ITE ZIMBUKA na ONDAKA YEVAANGELI, odha li tadhi imbi oondjimbo pamalufu, nosha mwenyeke oshituthi.



Konima yelongelokalunga lyetameko, oshigongingeleki oshe ya mondjugo yiigongi, moka mwa gwanene nawa aakwashigongi ye vule 200. Omumbisofi Dumeni, methano ndika ota popitha oshigongi. Kolumoho lwe, okwa kuutumba popepi naye omusita Asser Lihongo ngoka a hogololwa kOshigongingeleki a ninge omupeha mokuwilika oshigongi.



Oshigongingeleki shi li miipundi tashi pulakene aapopi yamwe.

E H O K O L O L O LYONGELEKI

Dha za kep. 5

Ehokololo inali dhimbwa nando okupandula mboka ya kwatha iimaliwa moshilonga shoka oshinene sheputudho, osho wo mboka ya putudha moosikola ndhoka. Osho wo ehokololo inali dhimbwa okupandula ekondjo ewanawa ndyoka tali monika momagongalo, sho ogendji ga tameke okwiithikamena pwaa na ekwatho lyopondje.



Omuwilikingeleki gwOngeleki yAandowishi, W.Blank naye okwiile. Methano ndika ota gandja ekundo lyOngeleki yawo. "Otwa tameka okukondjitha okatongotongo," osho a lombwele oshigongi.

Ehanganotumo lyaSoomi olyo limwe lya tumbulwa mpoka ongomugandji gwiimaliwa naanashilonga wo. Iimaliwa yi vule R205 000 ohayi zi kEhangano ndyoka. Ongongahangano yAakwaluther nomahangano goomina ngaashi ya CDM noyaTsumeb, oga hololwa po wo nepandulo ongaagandji.

Nonando oshiketha shiilonga ayihe osha piti nawa miilonga yasho omimvo ndhoka mbali dha zi ko, onkene tuu epulo enene omumbisofi okwe li ukitha moshigongi shoka shi tale nkene omalunza gomeni ge na okukolekwa.

"Sigo uunake tatu kala nokukwathwa omakwatho gopondje?" osho oshigongi sha thigilwa eipulo.

Uudhiginini weitaalo mokati komaudhigu

Kakele komaudhigu gonkalo yoshilongo ngoka poompito odhindji ga ningitha eyakulo lyOngeleki li kale edhigu, ehokololo olya yelitha natango, kutya sigo onena eitaalo miilyo yOngeleki ndjoka, otali dhimbululwa natango sho tali iholola miilonga.

Omiyalu dhopombanda dhaakriste momalongelokalunga nopomagongalelo gohapu dhaKalunga, eyakulathano lyawo momathimbo guudhigu moku-tsaathana omukumo osho wo lya dhimbululwa mokukoleka omagongalo gawo painiwe.

Ihe shoka inashi imba omuwilikingeleki Dumeni a hiye oshigongi opo shi dhiladhile natango omukalo omupe omwanawa gwokuputudhila aantu muukriste opo ooitaali ya kolekelwe meitaalo ndyoka.

Muule womimvo mbali dha zi ko, Ongeleki oyi indjipala niilyo 11 141, omagongalo gatatu oga totwa, aasita 23 oya yapulilwa muusitagongalo osho wo aakriste aainkelwa 51 oya pewa oonkondo kElongeleki okuuvitha momalongelokalunga nopalwe wo, osho ehokololo lya holola.

Muule wethimbo ndyoka, okwa li wo ku na vamwe yomaanashilonga yOngeleki mboka ya mana oondjenda, ye li 14. Mokati kawo omø mu na omumbisofi Auala.

Ekwatathano lya ELOK noongeleki oonkwawo

Osha ulikwa wo mehokololo ndyoka, kutya Ongeleki ya ELOK, kayi li noitayi longo muuwike, oyi li melongelokumwe noongeleki oonkwawo meni lyoshilongo nopondje wo, muuyuni.

KOngongahangano yAakwaluther muuyuni auhe (LWF), okwa tiwa okwa zile ELOK R70 000 omolwokulanda o-miti molwomikithi ndhoka dha kala tadhhepeke oshigwana. Aasita Aaelok 12 oya pewa wo iimaliwa yokwiilonga kEhangano tuu ndyoka.

Kombinga ya ELOK, naye wo iha taa-mba ashike omagano ngoka niikaha yi ihukata. Okwa tiwa omumvo kehe oha gandja omakwatho koomwayinangeleki muuyuni, haga pitile mOngongahangano yAakwaluther.

"Ewi lyOngeleki muukumwe wadho, olya ningi ewi lyaamboka yaa na ewi mevi ndika," osho ehokololo lya yelitha mokuhololola shono ELOK he shi ningi muukumwe nOraata yOongeleki muNamibia (CCN).

"Etungululo neopaleko nali kale oshinakugwanithwa shomuntu kehe mu ELOK. Okutungulula egongalo lyetu, Ongeleki yetu noshilongo shetu moompumbwe adhihe nokukala meitaalo lya kola.

"Nokemanya tuu ndika, otandi tungile ko egongalo lyandje noitali ka sindwa nando okomiyelo dhoheli, Mat.16:18," osho ehokololo alihe lya hulithwa molupe lwehiyo ndyoka tali dhimbulukitha Oshigongingeleki oshinakugwanithwa shasho.

Oshigongingeleki osha li sha tamekithwa nelongelokalunga ndyoka lyu uvithilwa kugumwe gwomaasita aakulu-

Tala kep. 7

OMAUDHIGU GO-SHIGWANA NEWI LYONGELEKI

Dha za kep. 6

ntu; Efraim Angula. Pehulilolela manga inaashi lalekwa komumbisofi shi shune komagumbo nokiimpwiyu yasho, konima yomasiku ngoka gahamano gomutumba, osha vululukithwa tango okathimbo mUulalelo Uuyapuki payakulo lyaatonateli yitayingeleki.

Mpoka omapaathano guusama no-kwaatsa kumwe kwomadhiladhilo no-kwomatokolo omadhigu nomanene oshigongi sha li shi ga na, ayihe oya dhimbiwa manga.

Ayehe oya zimine ya taalele komusita omukuluntu gwoshigunda, Kristus. Oye ombili yOngeleki, oye uukumwe wayo.

Oshizemo shomatokolo goshigongi shika, tala miifo tayi ka landula.

Sebulon Ekandjo



Manga oshigongi inaashi tameka, opwa kala omalongekidho gokutaamba omandhindhiliko goshigongi. Methano ndika, aakalelipo yegongalo lyaNgenga, otaa zalekathana omandhindhiliko. Nakuzalekwa omusita omuyakuli Hamukwaya, megongalo ndyoka.



Methano ndika, aayenda aakalelipo yOngeleki yaAnglikana mOwambo. Pokatilela omusita Filippus Shilongo nokolumoho, omusita Nehemia Hamupembe.

Ehiyo lyesilohenda

One otamu ti ngiini? Okugeelwa otaku ningi ku thike peni, kwaangoka ta lyata noompadhi dhe omuna gwaKalunga nota dhini ombinzi yehanganitho moka a yapulilwa mo, nota sheke Ombepo yesilohenda? Hebr.10:29

Kalunga mohole ye okuhola aalunde, okwe tu longekidhile esilohenda enene. Okwa tula Omwana Jesus mondjila ndjoka yuudha omahepeko. Oye okwa hepekwa sigo okusa, ye ina yona sha.

Omulunde twiigandja koshilongakulilo shika shaJesus, ku na we ompito yoku ya mekano, shila ongele to lyata noompadhi dhoye Omuna gwaKalunga. Ombinzi yaJesus oya longekidhilwa aanandjo ya mone edhimopo lyoondjo.

Ihe elondodho oli li po enene: Egeelo oli thike peni kungoka ta lyata ombinzi ndjika yOmuna gwaKalunga? Natu taleni oompadhi dhetu mpoka dha lyata.

S. S. Taapopi


EPUKULULO KOVAHONGWAFI-KOLA

Ovamwatate ovaholike, otu wete tuu kutya efimbo paife ola tya ko kondongolondongo? Ounyuni nouwa wao otau xulu po, Omwene ote ya. Fye ovanafikola, tu dimbulukweni kutya, Kalunga iha kwafa elai.

Efimbo opo li li naanaa u kale we litula mo mukonakona Ombibeli yoye, ndele ovanafikola voshiwana shetu, otwa ninga ovakaenakonasha nOndjovo yOmwene. Ovanhu ngenge tava i kotundi yeilikano, vahapu otava i apa va hala va ka endaende.

Tu longeleni Omwene manga pe na efimbo, fye tu mu ifane manga e li popepi.

Omulihongi mukweni
Gebbies P.Shipopyeni



Omusita E. Haikali ta topola Uulalelo Uuyapuki mOnyango

Sigo oompaka inaku uvika we sha komadhiladhilo ngoka ga li po tagi inyenge, kutya oonkundathana dhaNamibia ndhoka dha ningilwe muLusaka numvo muMai, otadhi ka tsikilwa mbala muIvory Coast.

Shoka ashike sha kundanwa po muFulanisa, osho ashike kutya omusamane Sam Nujoma okwiindile omasiku ngaka oshigongi shOraata yegameno ya VVO shi gongale mbala, opo shi kundathane etokelwo lya SA lyokuza muNamibia.

Elalakano lya SA okweeta po ethaneko ndyoka, otaku tiwa onkambadhala okukandula po ethaneko lya VVO ndyoka tali indile Namibia li mangululwe tashi pitile mehogololo lyaayehé lya manguluka, tali tonatelwa ku VVO.

Nujoma mwene okwe shi koleke, kutya ehanganonye olya pulwa li taambe epangelo lyoshigongi shomeni, ihe okwa ti yo itaa ka taamba nando onkambadhala kehe tayi mangululitha Namibia inaayi kwatelela mo etonatelwa lya VVO.

(Adv.3.7.1984)

MuCanada tamu ka kundathanwa Namibia

Oshigongi shokukundathana omukalo gwokutumba mo SA muNamibia, otashi ka kala ko 30.7 sigo 3.8.1984 muCanada. Omulongekidhi gwasho Oraata yaNamibia mu VVO.

MuNew York omwa zi onkundana, kutya SA okwa kala ta popitha ehanganonye lya SWAPO li kuthe po epangelo lyoshigongi shoongundu dhomeni, ye SWAPO a langeke ashike miilonga ya simana aawiliki yoshigongi shoka. (The Christian Science Monitor 8.6.1984.)



Melongelokalunga lyesiku lyElondo lyOmukulili numvo



Mefano eli, otamu monika ounona vofikola yOshoondaxa veongalo laNyango, ve li pamwe nomuhongifikola wavo ve lipyakidila nokwiimba omaimbilo chambelelo mefiku lElondo. Hano Jesus ota ti: Efeni ounona ve uye kwaame, inamu va keelela ko. Hano inatu va keelela ko.

Omupongo gwaKalunga, Omunamibia, ota lesha oshifo. Osha kundanwa poompito o-dhindji, kumboka ye li muupongekwa, kutya uuna yi itsu oshifo shOngeleki, ohashi ya tsu omukumo meitaalo lyawo.




Eengeleki mounyuni, oda yandja oshihauto keyakulo loshilonga shopamhepo mokati kovafadukipo Ovanamibia. Oshihauto oshiwa, sha kola nawa okutaula omalondo nomafululu ngaashi taa monika mefano eli, eshi sha finda keongalo Onyango. Mokati komaudjuu mahapu, Kalunga ote liholola oye omufilishisho wa keshe umwe, nekwafu laye ote li pitifile movanamutimanghenda ovo tava dulu okuyakula omunhu keshe nande ooina kave va shii.

Omhumbwe yeehahende Ovalaule muNamibia, otai pwatula omutwe oku shi diladila

+ EFATULULO KOIFO

Dr Shejavali ta nyamukula hahende Smuts

Eshi tashi landula apa, enyamukulo lomufita Abisai Shejavali, Hamushanga Ndjai wOraata yEengeleki muNamibia (CCN). Ota nyamukula Hahende David Smuts, kwaasho hahende Smuts, e shi popile moshifonghundana Windhoek Adv. 27.4.1984 ongenyamukulo kepulo laShejavali moshifo osho tuu osho.



Dr. A. Shejavali

Enyamukulo olo la yandjwa kuSmuts, ola fininika natango omushamane Shejavali a nyamukule noku holole omadiladilo aye ngaashi tashi holoka apa:

Onda kala kombada yomafuta, pefimbo oshinyolwa tashi holoka moshifo, onghe nda tokelwa ngaha okunyamukula. Epulo linene nda pulile (Shejavali) ola li ashike, kutya oilongo ya Afrika ya mangeluka oyo ye tu dingilila, oi na ovapanguli Ovalaule novashiivi veeveta (lawyer).

Onde shi mona nghe ovapanguli ovadalelwano novashiviveta, tava yandje eyakulo lihafifa kovanhu vavo moilongo ngaashi yooMadagaskar omo nda talela po lwaxuuninwa.

Omolwashike fye yo muNamibia ihatu mono sha tya ngaho? Natango nghi udite ko nande, kutya omolwashike pefimbo eli muNamibia tu he na nande ohahende imweimwe (Attorney) yOmulaule ya pita?

Paendjovo dahahende Smuts, oo e li hamushanga wOraata yeeveta (Law Society) muNamibia noku li yo hahende mehanganano laLorenz + Bone, ota ti, kutya fiku oukonima mehongo lOmulaule nau ka kandulwe po, neemhito doufike pamwe tadi ka yandjwa komunhu keshe, oyo ashike oyo onghalo nai ka lunduluke.

Okwa twikila ko vali ta ti, osho oshinima ashike tashi ke uya nefimbo. Ashike kombinga ikwao, Oraata yeeveta kakwa li ngenano tai dulu okuninipika omunhu ngaho kombinga yomumbo.

Paendjovo domushamane Smuts ovashiviveta Ovalaule, ihava piti ekonakono lomalideulo, vati omolwehongo lavo. Osho otashi twala nge paife meudeko eli, kutya omushamane Smuts okwa fa a hala a tye, kutya Ovalaule eshi ihave lihongo mumwe nOvatilyane, osho tashi va dopifa ngaho.

Natango paendjovo domushamane Smuts, ekonakono olo lopakulideula ohali longekidwa mu S.Afrika ndele eembapila ohadi talwa mukesheshitukulwadu (Province). Ovo hava shangele muNamibia, eembapila davo ohadi talwa yo apa.

Osho sha nyamukulwa komushamane Smuts, osha twala nge ndi ninge ekonakono longhalo yeehahende Ovalaule mu SA. Nopauyelele oo nda likola mekonakono eli, onda mona kutya mu SA kamu na etongoko lasha pokati kOvalaule nOvatilyane kombinga yekonakono lopakulideula.

Mu SA eepelesenda 99 (99%) deehahende Ovalaule, inave lihongela meeuniveesiti dOvatilyane, ndelenee omeuniveesiti ngaho dOvalaule omo yo ovanaveta Ovanamibia have lihongele.

Oshili yoshinima oyo ei, kutya oku na Ovalaule ve dule 400 ve li eehahende mu SA. MuTransvaal amuke omu na eehahende Ovalaule 120. Kakele kaashi, omushamane Smuts a popya, ame onda itavela, kutya omukundu aushe woshinima eshi ou li ashike papolitika.

Mokupameka ediladilo lange eli, ote dulu okutumbula oshihopaenenwa shimwe shomuhongwa wonale Omulaule oo kwa li te lihongele eveta mofikola imwe yokombada.

Omuhongwa ou, fimbo kwa li te lihongele ouyakuli meeveta, mOvenduka, konima yeedula hamano da pita, okwa lombwelwa kuumwe weehahende, kutya fiku limwe ita ka pita ekonakono laye, osheshi oku li oshilyo sha SWAPO.

Eshi a lombwelwa ngaha, omuhongwa ou woveta okwa fiya po ehangano olo, omo kwa li ta longele, nde ta ka ya mulikwao lopaumwene. Hano kuame oshinima kashi fi nande okwiitavelwa noupu, kutya omunhu ota ufilwa pakudula kwaye, ndelenee opaluvata nopakwatafano laye lopapolitika.

Pamadiladilo omushamane Smuts, konima yomudo 1972, omunhu e na Omatilika ota dulu okulonga ongomuyakuli meeveta, nokonima yeedula nhano, ota dulu okuninga hahende.

Ye kombinga imwe ta ti natango, kutya omunhu e na onghatu yopedu noyopombada moveta, ota dulu okuninga omuyandjindunge (Advocate) moveta notashi mu pula ashike eedula nhe. Hano kuye (Smuts) oshipu omunhu a ninge omuyandjindunge moveta shi dulife ta ningi hahende.

Pauyelele ou wa holoka pombada, oku na eehahende dihapu Ovatilityane muNamibia, ovo inave lihonga nande oveta mofikola yokombada, ve na ashike Omatilika. Eshi va longa neehahende oule weedula nhano, ova ninga yo eehahende.

Ovanhu ovo inava ninga ngaho eehahende palideulo olo va ninga momahanganano eehahende? Ondi shi shii oshilongwa osho shoveta, ihashi longwa nande meefikola dOvatilyane, ndele ohashi longwa ashike mOfikola yokombada.

Hano onghahelipi ne eshi taku tiwa, kutya Omulaule, tu tye e na eenghatu mbali moveta nota dulu okuningwa omuyandjindunge moveta, ita piti ekonakono louhahende fimbo oukonima mehongo inau kandulwa po?

Omushamane Smuts okwa ti vali natango vati onghalo otai ka lunduluka fiku omhito yomehongo tai ka yeululilwa omunhu keshe. Sho natango vati paendjovo daye, otashi ke lieta ashike kusho shene moule wefimbo.

A fa a hala kutya, otu na okuteelela natango efinimbo li he shivike, oyo tu mone hahende Omulaule muNamibia, fimbo muSuid-Afrika, nale nokuli omudo 1894, Omulaule mwinya ota longo nale neeveta.

Nande ne ite tu kumwe nelipopilo lomushamane Smuts, ote diladila kutya enyamukulo laye ole tu pa omhito iwa tu ye kepangelo la SA nepulo letu, oyo li ha tambule vali Ovalaule meeuniveesiti.

Osheshi Ovalaule vetu muNamibia, inava fa Ovalaule vakwao mu SA ovo hava ningilwa shi fike pamwe nOvatilyane, ngenge tava ningi omakonakono omelideulo.

Natango inandi itavela omushamane Smuts, eshi ta ti ngenge pe uya engongoto kombinga yekonakono, eembapila ohadi dulu okutalululwa kovanhu ve he na ndipi moshitukulwa shimwe shi lili.

Pauyelele oo nda shakeneka mekonakono lange lohinima eshi, hahende umwe mOvenduka, oo kwa li e he udite ombili eshi omuyakuli waye mukulu meeveta a dopa ekonakono olo lopalideulo, okwa pula eembapila odo di tumwe kOkapa, di talululwe. Eindilo la tya ngaho inali tambulwa.

Ngenge oshi li ngaho kutya, hahende Omutilityane e he na eenghatu mbali ta indile eembapila dekonakono lomuyakuli waye Omulaule di tumwe kOkapa, okutalululwa, osho osho naanaa tashi ulikile nge kutya omunaveta wOmulaule winya mboli okwa li ta dulu okupita omakonakono.

Ohandi linekele natango, kutya omushamane Smuts okwa mana mo, eshi ta ti kutya ovayakuli

Namibia kali vulu we okupalutha oyana _____ Aanongononi taa ti

Otashi vulika kutya aantu aashonalela mevi ndika, mboka taa dhimbulula omahupilo goshilongo shaNamibia nkene gu uka mekwena lya hula, nonando ondjala nonkayi mbyoka otayi thelekenya omayovi ogendji gaantu.

Ngoloneya Ndjayi gwa SWA, dr Willie van Niekerk, okwa holola omasiku ga zi ko kutya aantu konyala 80,000, kaye na we iilonga moshilongo. (Adv.14.6.1984). Otashi vulika momwaalu ngoka inaamu yalulilwa aantu mboka ye li momavigumbo gawo, ihe okwa talikwa ashike mboka taa inyenge piyelo yoondunda dhAatiligane moodoolopa taa kongo iilonga.

Pamwe nokutseyitha omwaalu ngoka gwaakeena iilonga, dr van Niekerk okwa tseyitha wo egwedhelo lyiifendela moshilongo (GSTax), kukehe ngoka nokukehe shoka to shi landa.

Egwedhelo ndyoka otali zi poopelesenda heyali (7%) mpoka lya kala okuza omumvogu, sigo oopelesenda omugoyi (9%). Egwedhelo ndyoka olya tamekele molyotango lyaJuli nguka.

Ngaashi sha ningilwe omumvogu, osho nonumvo wo, kutya aakulukadhi sho ya kundana egwedhelo ndyoka, oya yambukile pomasiga gawo mOvenduka, e taa ka thikamena ombelewa yaNgoloneya.

Ihe mboka otaa pulakenwa kulye ngiika methimbo ndika. Shila okuninga owala kutya ihadhi yi inaadhi umbilwa.

Ngoloneya mwene naye okwe shi zimine, kutya oshinima shiimaliwa moshilongo shika omumvo 1983, inashi enda nande nawa. Okwa ti, peha lyokulonga nokutegamena ando ekoko lyiizemo miilonga, oya mono ashike ekuluko enene lyoopesesenda heyali (7%).

Shoka osha ningitha epangelo li vule okulongi-
tha omwaalu gwoomiliyona R22,5 pondje yaashono sha li sha thanekelwa omumvo ngoka. Pauyelele mboka wa gandjwa natango mekwathano nehokololo lyomusamane Van Niekerk, uunamapya nuuniimuna omumvo gwa zi ko, owa kuluka niimaliwa oomiliyona okuza R190 momumvo 1982 sigo R142 omumvo 1983.

Eshunduko lyomahupilo moshilongo, olya fatu-

Omwiimbithi a pumbiwa

Ngoka a hala iilonga yuimbithi megon-galo e na onzapo nenge kee na, ihe oku uvite e na ehalo okulonga oshilonga shoka, na ningile eindilo kOmbelewamusiki, Ongwediva, nenge a holoke ko ye mwene. Ope na egongalo mu ELOK lya hala omwiimbithi.

lulwa kuNgoloneya kutya olya etwa po konkalo yopapolitika ndjoka kaayi lwetikile onakuyiwa, kekanitho lyomahala gomapindikilo muuyuni nokiiikukuta omimvo ndhoka dha zi ko.

Oministeli yotango ya SA omusamane P.W.Botha, pethimbo lyetalelopo lye kombanda yomafuta muJuni gwa zi ko, okwa adhikile a tseyithile uuyuni, nkene epangelo lye hali kwatha aniwa SWA iimaliwa R658 komumvo.

Poompito odhindji epangelo olya holola wo kutya SWA evi ehepele nomalunza galyo itaga vulu nando okuhumbata oompumbwe dhoshilongo, ngele ando evi oli mangeluke.

Omadhiladhilo ngoka, ihaga ziminwa nando sigo onena komuntu kehe muNamibia, unene tuu sho ye ga tala, kutya mugo omu na oondunge dhokwaaholola oshili paupplitika. Mboka taa patana omapopyo ga SA, kutya ota teka po komakwatho omanene ngoka ta gandja kuNamibia, oye na wo eipulo, kutya omolwashike ite etha ihe oshilongo shoka e shi indilwa kooyene yasho uule womimvo odhindjidhindji?

"Suid-Afrika oye mwene ha li po iimaliwa ye naakwiita ye oyendjiyendji mboka e ya tumu mevi ndika," osho hashi uvika wo tashi zi mopapopyo gaantu.

Namibia niilongo yilwe muAfrika

Omimvo dha piti omutoto ngoka gwa kala tagu taandelithwa pombanda moshilongo shika, unene melelo lyo DTA, ogwo ngoka, kutya kape na oshilongo muAfrika shi na ekonomi lya kola sha fa Namibia.

Oshifo, Finacial Mail, hashi zi muJohannesburg, osha hokolola omasiku ngaka, kutya kaku na nando muAfrika alihe, evi lya ya meipangelo, li li membangoloto enene ngaashi Namibia.

Oshifo shoka oshi lile po omakonakono gomahupilo giilongo nomapangelo.

Pauyelele mboka wa gandjwa kusho (notau tsu kumwe nehokololo lyaamushanga gwomahupilo muNamibia, omusamane Johann Jones), Namibia olya pumbwa oomiliyona R 450 omumvo nguka, opo li pite miilonga yalyo.

Natango pahokololo lyoshifo shoka, okawe mevi ndika otaka vulu natango okufulwa uule woomvula 16 komeho, osho wo oomina dhilwe, manga uran, momina yaRosinga, tayi vulu okulungwa omimvo 25 natango komeho.

Ashike ondando yokawe noyauran, sho kadhi na we iipindi iiwanawa manga muuyuni, ehokololo olya ti kutya oondando dhiikwamina mbyoka, itadhi kwatha we manga omahupilo goshilongo pethimbo ndika.

Omapiya gOshiwambo nago itaga kutha po oluhepo

Kombinga yomahupilo gomomapiya, oshifo natango osha ti, kutya oopelesenda 70, (70%)

shoshigwana ashihe shaNamibia, ohadhi hupu momapya. Shoka osha fa tashi ti, konyala aantu ngiika 700,000, ngele aakalimo mevi ndika ohaa yalulwa pomiliyona yimwe.

Momwaalu ngoka, omwa kwatelelwa aantu mboka haa li iikulya yomomapiya, nonando yoyene kaye ga na. Nolunza wo ndoka lwokutane-ka iilya, oshifo osha ti, nalwo kalu na ekwatho enene pethimbo ndika. Omatompelo oshe ga gandja wo, ngaashi taga landula:

Oohektala dhevi oomiliyona 82,3 aniwa ombu-ga yowala, ihayi longithwa sha. Oopelesenda 50 dhevi odho hadhi mono omvula yoomilimeta 100 sigo 400. Omvula yi thike mpoka, ehokololo olya ti, kutya otayi opalele ashike iimuna.

Oopelesenda 30 dha hupu ko dhevi, odho aniwa hadhi mono omuloka gwa fa omuhwepo gwoomimeta 400 sigo opombanda kashona. Omvula ndjoka tai opalele iimeno.

Opo mpoka oshifo sha ti, kutya shono hashi longwa momapya gomuloka ngoka gwa fa omuhwepo, oshi li unene pevi, oshoka ohashi longwa paumwene. Owambo, Kavango naCapri-vi, ogo omahala gu ulikwa mehokololo ndyoka, haga longo iizemo iishonalela momapya notayi longithwa ashike paumwene.

Okwa tiwa wo, kutya oku na oofalama konyala 10,000 nadho tadhi longwa pamukalo ngoka tagu longithwa mOwambo, Kavango naCapri-vi, osho wo oofalama 4,500 tadhi longo papangelo. Ihe nadho wo ekuluko lyadho miilikolomwa omumvo 1983 olya li enenelela, ehokololo lya ti.

Ombedhi ihayi yi moshiti, SWAPO oye tu ulikwa omunwe guusama mbuka.

Nonando oshifo shoka osha gandja ngaa einekelo lyasho keopalo lyomahupilo pamalunza ogendji uuna Namibia nali mangeluka, onkene tuu osha tumbula wo shaa na nando omalimbililo, kutya kombinga yolunza lwoohi, kape na etegameno lyasha, oshoka Ombaye oya SA nefuta enene ndyoka hali kwatwa oohi oye, osho sha ti.

Oshu ulike wo kAatiligane 75,600 yomoshilongo shino, kutya oyendji otaa hepa natango okudhiladhila onakuyiwa yomaliko gawo, uuna oshilongo tashi mangeluka, otali kala tuu shili lya gamenwa.

Nonando SWAPO, he ya kumagidha aluhe opo aniwa pamadhiladhilo goshifo shoka ya tidhe po uumbanda wonakuyiwa yomaliko gawo, nomuMaalitsa gwa zi ko, oshe endlulwa muLusaka pethimbo lyoonkundathana ndhoka dha li ko, onkene tuu oyendji oya nyengwa okutaambako eshilipaleko ndyoka.

Ehokololo otali gandja kashona uusama noku-Swapo wo, kutya naye aniwa opo a kala, oshoka ina hala nande okufatululila Aatiligane sha gwana nkene ta ka enditha omahupilo mepangelo lye.

Aniwa SWAPO ohe ya lombwele ashike, kutya tegeleleni, manga oshilongo shi mangeluke ne mu tale nkene tashi ka enda, oshifo sha ti.

Ehokololo olya tsikile ngaaka, kutya SWAPO na kale oku na ne omulandu gwopausosiale ngoka gwa tilika kAatiligane, oshifo oshu uvite wo kutya memangeluko lyevi, SWAPO ita ka ya nando kokule nomushiinda she SA ngoka awike e na omahupilo ga kola muumbugantu waAfrika.

Sebulon Ekanjoro

OHAPU YAKALUNGA NUULELIGUMBO

ETSIKILO

Okugandja kwetu okwo oshitopowa shelongelokalunga, sho hatu gandja pamuthika, ngoka Kalunga e tu pa metonatelo lye. Ngele onda pewa ndi tonatele oshishona, otandi gandja pandjele ndjoka. Ngele onda pewa oshindji, otandi gandja ishewe pandjele ndjoka.

Pehulilo mpaka, onda hala ndi pandule tate Fanuel Max Shigwedha, Olange, (CDM) ngoka u uvite ko omagano haga gandjwa peshasho, ngaashi sha holoka mOmukwetu gwaMaalitsa No.6, ep.12. Nomolwaashoka onda hala wo ndi mu yamukule kepulo lye.

Shoshene momagongalo getu agehe, omu na omuthika guuthwa gwomagano geshasho ngoka omushashithi kehe e na ando okukala e gu adha. kakele shila

ngoka a holola uunyengwi we oku gu adha.

Ando omushashwi kehe mongeleli ya ELOK, ota gandja R2,50 omagano geshasho. Shika kashi shi okulanda eshasho ngaashi yamwe haa dhiladhila, aawe. Osho okupandula Kalunga sho to ningi omuna gwaKalunga.

Yamwe ohaa shi ningi okupandula Kalunga sho e ya pe omunona. Ope na wo omatompele galwe ngoka taga thiminye oyendji ya hale okugandja omagano geshasho. Pamatompelo ngano, opo mpoka mboka yu uvite ko kutya okugandja oshike, haa kondo pongamba yu u-thwa, yo taa gandja ngaashi ya.hala.

Otandi tsu kumwe nangoye, kutya inashi ndjanga naanaa okutumbula omagano gaashashwa koogumwe noogumwe pakutseyithila egongalo. Ihe omukalo omwaanawa okutumbula owala omagano agehe geshasho kumwe, kutya oga zi shi thike peni. Yo oonakugandja taa tseya shoka ya gongele kumwe omolwehambelelo lyawo.

Shika otandi shi popi ndi inekela omushashithi kehe, okwa pewa paumwene okambapila taka holola shoka sha zi meshasho lyokanona kaandjawa. Ndishi osha yela nale, kutya aantu ngele otaa gandja memangulukoko, kaye na siku naa gandja shi thike pamwe, okuninga yu uvathana.

Ishewe ngiika okandjato kamwe, itaka pandika kaagandji, oshoka kehe gumwe okwa hala a tale ngaa shoka sha zi momagano gokanona ke mpoka shi thike. Yamwe ohaa gwedha ko nokuli, ngele oku wete nani ina ninga po sha sha gwana.

S.V.V.Nambala

OVA SHANGELA NGE TAVA TI:

Omufimanekwa,

Onda lulilwa nondi udite oudjuu koshiwana shetu tashi yada nee ngoo ovalikadi inava hombolwa. Paife ovana vetu ove tu kalela pomapata, vamwe ova ya omaushondolo koluhepo, vamwe omhepo ngoo oyo ye va hanga.

Momalukanda ito tale mo vali, ovo aveke ve li mo, outekulu vetu ova yada nee ngoo pomapata etu, fye twa kulupa, vo ooina va ya. Onda hala ne okweeta po efaneko eli moshiwana:

Ngeno keshe ngoo omumati ta yandje edimo kokakadona, ne ka hombole po ashike. Ngenge ovanini, nave li teeleele ngoo va kule, fiyo tava wana okuhombola.

Epangelongeleki yo, itashi dulika nande hano li yandje omhango opo omufita keshe meongalo laye a ha yandje nande epitikilo lohombo komumati e na nale okaana nomukainhu umwe? Naa va ne hava ka hombolela mOushimba, ye kOwambo oku na ko umwe e na naye onunona vatano, va ha pewe vali nande eembapila depitikilo lohombo

Efaneko vakwetu. Pukululei nge.

Ngh.Shiyele

OMUKWETU

Oye oshifo shOngeleki Onkwaevangeli paLuther yomOwambokango.
Ohashi nyanyangidhwa mOshinyanyangidho shOngeleki mOniipa.
Omukuluntu gwoshifo omumbisofi Dr. Kleopas Dumeni.
Amushanga gwoshifo omusita Sebulon Ekandjo.

Ondando yOmukwetu muNamibia naSuid-Afrika R5,00 komumvo.
Palwe muAfrika R8,00 nokombanda yomafuta R11,00, komumvo. Mondhila R13,00.

Ondando nomambesitelo agehe naga tumwe komukwetu, Oniipa, P/Bag 2013, Ondangwa, 9000.

EV.LUTH.OWAMBOKAVANGO CHURCH PRESS
PRIVATE BAG 2013, ONDANGWA 9000
SWA/NAMIBIA

ESO

Kuku Tshilongo Germana Amukoshi, momukunda Okaku-Elyambala, okwa hulitha po oondjenda dhe 20.3.1984 muukokele woomvula odhindji. Okwa thigi ko oyana yane.

Efumviko olya ningwa megongalo lyawo Okatana.

Dominikus Mwiila

1. Remember those o Lord
Who in your peace have died
Yet may not gain love's high reward
Till love is purified

2. For them we humbly pray
Perfect them in your love
O, may we share eternal day
With them in heaven above

D.Mwiila

Omusamane Petrus Naluwe Ndombo, okwa mana oondjenda dhe mepipi lyoomvula 57 eti 14.5.1984. Okwa kala mOnawa, egongalo Oshitayi, mOndonga. Okwa thigi ko omuselekadhi, aanona 10 naatekulu yane.

Jesaja Ndombo

Omukulukadhi Wilika Nangula Kambungu, okwa mana oondjenda dhe eti 13.5.1984, mepipi lyoomvula 42. Osha ningwa ombaadhilila. Okwa thigi ko omusamane gwe, naanona yaheyali.

Aakwazimo amuhe nookuume kanakusa, hekelekweni noohapu ndhika: Joh.11:25-27.

Johannes Kambungu

EYAMUKULO KUHA- HENDE

Da dja kep. 10

meeveta ohava itavelelwa va shangele ekonakono lavo mukesho oshitukulwadu, osheshi onda li nda shakeneke ouyelele oo kutya, monale Oraata yeeveta mOkapa oya tindile umwe a dile apa, i mu tambule, netomhelo la yandjelwe po, vati oraata yeeveta mu SWA oyo inai hala omuyakuli a tya ngaho ta ka nyolela omakonakono pamwe pe lili.

Osho otashi ulike ashike oudjuu oo omunhu ta shakeneke ngenge a hala a ka shangele ekonakono laye pamwe pe lili ye ina pewa ediminino komushamane Smuts.

Kanda li unene nda hala ndi tumbule oitwa ei ivali ya xuuninwa, molwoumbada, kutya otashi dulika shi hepekife Ovalaule ovo ve li noshinima. Ndele eshi nda mona omushamane Smuts ye mwene e i tumbula, osho sha nyamukulifa nge yo ngaho.

Eengeleki odi na oprograma yokuyandja ounafikola kovahongwa nohadi va tu omukumo ve lihonge oveta. Ounafikola ou ohau pitile mOraata yEengeleki (CCN) oyo handi wilike.

Ndele ovahongwa vahapu ovo hatu shakeneke, ove udite ngaha, kutya onakwiiwa yavo va kale va talwa ngaashi eehahende, kai lwetike, ofimbo inava ninga shapo oilyo yomahangano ngaashi: ACTUR ile DTA.

Medina laKalunga, otwe linekela, kutya ovanaveta Ovalaule nOvatilyane, onava ka tambulafaneko ongovalongipamwe. Eshi otave ke shi ninga omolwokukalafana kwombili kwohiwana shetu.